



**Erasmi a Chokier Tractatus absolutissimus de
iurisdictione ordinarii in exemptos, deque illorum
exemptione ab ordinaria iurisdictione**

Mvltis Pontificvm Decretis, Et SS. Congregationis ... Cardinalium
Declarationibus illustratus ; omnibus in iudicio Civili & foro Ecclesiastico
versantibus perquam utilis ac necessarius ; in duos tomos ab ipso Auctore
distinctus

Chokier, Érasme de

Coloniae Agrippinae, 1684

28. Exemptus à jurisdictione legati, an sit exemptus à jurisdictione
ordinarii.

[urn:nbn:de:hbz:466:1-61886](https://nbn-resolving.org/urn:nbn:de:hbz:466:1-61886)

aut subditus velit postea contra exemptum agere petitorio, dividenda erit causa continentia, ita quod clericus aut exemptus coram non suo iudicio conventus, declinare poterit, & remissionem postulare ad suum forum. In quam sententiam præcipua etiam iureconsultorum schola descendit. *Menoch. de arbitr. iudic. casu 371. num. 21. f. a. son. l. nulli num. 6. vers. Secundo limbo. C. de iudic. ubi DD. Fel. d. cap. ult. nu. 8. de iudic. Craventa consil. 258. n. 7.* Concludam, adjecta auctoritate Felini, d. cap. fin. n. 8. vers. tertio, sic scribentis: Dividi possunt istæ causæ, si actor & reus sunt diversi fori, textus hic reputatus singularis per legistas l. nulli C. de iudic. intellige hoc, ubi diversitas fori potest allegari ab eo qui convenitur, allegante pro se regulam capituli cum sit Generale, de foro comp. secus si ipsemet agat de uno, qui egit in alio. Itaque, Postremo quando sit præjudicium iurisdictioni alterius, is qui cognovit de causa præparante v.g. possessorio, non poterit cognoscere de causa præparata v.g. petitorio, qua de re videatur fusè Olaseus, *ped. dec. 78. num. 11. 18.* ubi ita limitat legem ubi ceptam. Non enim fieri potest prorogatio iurisdictionis in præjudicium tertii, *Catheran. d. dec. 78. n. 17. Navarr. in Rubr. de iudicis n. 11. & 12.*

Q U Æ S T I O XXVII.

Scholares & alia universitatum membra an sint exempta?

Minime, *Amb. Habita. C. ne filius pro patre. Ausfer. ad quest. Tholosanam 169. Rebuff. de privilegiis scholarum Privilegio. 152. & in proemio digestorum.* Idque nisi particulari privilegio exemptio concessa sit, quemadmodum de Lovanensi Universitate & contentione orta inter illius Rectorem & Episcopum Leodiensem refert Præf. Everardi in locis legalibus loco à tanquam seu respectivis vers. sexto sub finem, eius verba compendioso casu nota hic refero. Lateque per privilegia Lovanii typis mandata probatum est.

Q U Æ S T I O XXVIII.

Exemptus à iurisdictione Legati an sit exemptus à iurisdictione Ordinarii?

S M V M A R I V M.

1. Legatus, est maior ordinario.
2. Exemptus ab ordinario, est exemptus ab omni legato præterquam à latere.
3. Exemptus à iudice an sit exemptus ab illius legato.

Vide-

Videtur quod sic, Quia legatus habet ordinariam jurisdictionem, imò major est ordinario, tot. tit. de offic. legati in decretal. Gondulanius de Villadiego tract. de legato quest. 2. prima pars

Melius tamen censemus cum Ioanne Andrea, exemptum à jurisdictione legati, exemptum non esse à jurisdictione ordinarii. Io. Andr. cap. 1. de verb. signif. in 6. Ratio est, tum favor ordinarii, tum odium exemptionum, quas restringere quantum mens & verba patiuntur oportet; dictu n est supra quest. 4. per tot.

Quid est contra an exemptus à jurisdictione ordinarii censetur exemptus à jurisdictione legati? Breviter, à legatis misis aut natis, exempti censentur, non vero à legatis de latere. Rom. sing. 513. & cons. 498. cap. 1. de verb. sig. in 6. cap. si Abbatem de elect. in 6. cap. si videtur in 6. quest. 1. Io. Andr. cap. 1. de verb. sig. in 6. spec. de legato §. super est. vers. sed nunquid legatus potest, de quo articulo fulius suo loco differemus infra lib. 2. q. 2. per tot.

Ultum vero exemptus à iudice censetur exemptus ab illius delegato? petatur ab Imberto. Inst. for. lib. 2. cap. 6. in glo. verb. soluta est; ubi late.

Q U A S T I O XXIX.

Utrum vidua exempti sit exempta?

S U M M A R I U M.

- | | |
|---|---|
| 1. Uxores item vidux habent privilegia maritorum. | 5. Idem in exemptionibus civilibus. |
| 2. Vidua retinet exemptionem mariti. | 6. Utrum uxor clerici sortitur illius forum. |
| 3. Contrarium est verius. | 7. Exemptiones sunt personales, ideoque non sunt extendenda. |
| 4. Morino domino extinguitur exemptio famuli. | 8. Dispositio non comprehendit eos quibus sua verba non aptantur. |

Uxores gaudere privilegiis & dignitate maritorum juris est manifesti, l. femina ff. de senatoribus l. quibus C. de privileg. lib. 12. l. mulieres C. de dignitatibus lib. 12. Leonardus tract. de doctores par. 2. §. 13. Corsetus de potest. regia parte 3. qu. 29. tex. l. filius in sine ff. de iure ffici. latissimè Tiraguel. in legibus conubialibus l. 6. glo. 2. in verb. en pouoir de son mari. in 4. 5. & plurimis seqq.

Idque non modo viventibus maritis, sed etiam iis defunctis quamdiu in viduitate perm. net, DD. ubi supra l. filii §. vidua ff. ad municipales Barthol. l. fin. C. de privileg. scholar. l. 12. Corset. d. quest. 29. Hippolitus sing. 179. Qua ratione Guido Papa quest. 579. & 380. censuisse videtur viduam quamdiu ad secunda non convolavit vota,